



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

[De Lege Interna]

**Beati, Gabriele**

**Augustæ Vindelicorum, 1729**

**VD18 90108957**

14 An quælibet conscientia dubia circa circumstantiam facti ullam pariat obligationem.

**urn:nbn:de:hbz:466:1-39908**

est solum de aliquà circumstantiâ ad eius valorem requisitâ. In dubio autem circumstantiæ, defectus non præsumitur, nisi probetur; Tum quia, possessio stat pro voto, vel matrimonio, quod est certum; Tum denique, quia præsumendum est, votum, vel matrimonium, factum esse, cum omnibus conditionibus, ad valorem necessariis, cum hic sit modus operandi nobis connaturalis, vnde, in c. si quis acceperit: 33. q. 1. dicitur, cum dubium est, an matrimonium sit validum, iterum non esse contrahendum, sed pro matrimonii valore esse præsumendum.

**35** Sextò; In dubio, an alienatio sit facta cum debitissimis solemnitatibus, talem alienationem esse validam; tum quia solemnitates, cum sint circumstantiæ, alienationem regulariter comitantes, præsumuntur

adfuisse, cum illarum defectus nunquam præsumatur, nisi probetur; Tum quia, possessio stat pro alienatione, de qua constat fuisse factam, & consequenter etiam pro ejus valore, cum hic connaturaliter sequatur ad alienationem, sicut obligatio connaturaliter sequitur ad promissionem.

Quotiescumque ergo occurret aliquid **16** dubium; videndum statim erit, an illud, sit dubium facti, an verò dubium de circumstantia facti. Si fuerit dubium facti, valebit principium illud vniuersalissimum. Factum, in dubio, non præsumitur nisi probetur. Si verò fuerit dubium de circumstantia facti, valebit hoc aliud; *Defectus, non præsumitur, nisi probetur;* sive que ex his duobus principiis, solui facile poterunt, omnes similes casus, in quacumque materia, occurrentes.

## Q V A E S T I O X I V .

*An qualibet conscientia dubia circa circumstantiam facti, ullam pariat obligationem.*

### C A S U S .

**T**ITIUS, Consilium dederat Cæsari; ut Pompeium occideret, sed postea consilium renouauerat. Acciditramen, vt Cæsar, Pompeium occiderit; quo auditio, Titius statim dubitare coepit, an Cæsar, eius consilio, ad homicidium illud motus fuerit; & consequenter, an ipse, homicidii particeps fuerit, & ad damnorum restitutionem teneatur: Quæritur, an teneatur.

### S V M M A R I V M .

- 3 Quot modis consuli possit homicidium.
- 9 Consulens aliquando, revocato consilio, adhibil teneretur.

**10** Possessio tunc stat pro revocatione.

**11** In Foro externo, consilium censetur sufficier reuocatum.

**12** Aliquando consulens, etiam reuocato consilio, teneretur ad damna.

**13** Pos-

- 13 Post effusio tunc stat pro efficacia Consilii.  
 14 Dubitans se, suo Consilio, fuisse causam mortis, tenetur ad damnationem.  
 15 Sufficientia reuocationis Consilii, in Foro externo, non presumitur.  
 16 Efficacia sequi solet Consilium.  
 17 Dans gladium, semper censetur ad homicidium concurrere, quamdiu quis, illo gladio, occiditur.  
 18 Delictum tunc est certum, & excusatio incerta.  
 19 Rationabiliter Consiliarius obligatur ad damnationem.  
 20 Efficacia Consilii, rationabiliter presumitur.  
 21 Reuocatio mandati, semper est sufficientis, non sic reuocatio Consilii.  
 22 Coniectura in oppositum, probant sufficientiam reuocationis.  
 23 Subditus, in dubio, an Pralati potestas sit legitima, obedire tenetur.

## RATIONES DUBITANDI.

- 2 **Q**uamvis, ex dictis Quæst. preced. constet, operationis qualitatem, siue circumstantiam, regulariter presumi, quandiu non probatur oppositum. Ut tamen veritas hujus principii, clarissima adhuc appareat, præsens casus proponitur; in quo Titius, ad damnorum restitutionem, non videtur teneri; ita *Claudius reg. lib. 10. tr. 2. c. 8. nu. 1. Rebell. p. 1. de iust. lib. 2. q. 14. f. 2. Henrig. lib. 14. de irreg. c. 3. n. 4. Castrrop. p. 1. d. 3. n. 4. Filiuc. 10. 2. tract. 21. c. 4. num. 167.*
- 3 Primo; quia Titius, dum dubitavit, an, suo Consilio, causa fuerit homicidi, dubitanit de delicto; Ergo, stante tali dubio, teneri non potest ad restitutionem damnorum; haec enim restitutio, cum

sit pœna delicti, debet esse proportionata delicto. Delicto autem dubio, non potest esse debita, ac proportionata, pœna certa.

Secundo; Quia æquum non est, obligeare ad satisfactionem certam, quem certum non est, causam damni fuisse. Quandiu autem Titius dubitat, certus non est, se fuisse per suum Consilium causam homicidii, & consequenter damni, ex illo secuti.

Tertio; Quia, in dubio, melior est conditionis possidentis; Consilium autem reuocatio videtur possidere; quia consilium fuit reuocatum. Ergo, quandiu non constat, Consilium Titii, ad homicidium concurredisse; Titius ad restitutionem obligari iuris non potest.

Quarto; Quia pro illo stat possessio, pro quo stat iuris præsumptio; quando enim, suberto dubio, & debitæ adhibitæ diligentia, veritas non appetet, standum est præsumptioni, aciudicio Fori externi, cum idem sit iudicium Fori interni ac exteri, quando Forum externum, falsa præsumptione non nititur. Sed iuris præsumptio stat pro reuocatione Consilii; In dubio enim, delictum, & factum, in Foro externo, non præsumuntur, nisi probentur. Ergo possessio, in dubio, stat pro reuocatione Consilii. Unde Titius formare sibi potest certum iudicium practicum, quod ad restitutionem non teneatur; Sic enim ratio cinari potest. *In dubio melior est conditionis possidentis, & possessor ad nihil teneatur. Sed Consilii reuocatio possidet, cum pro illa sit iuris præsumptio; Ergo melior est illius conditionis; Sicque ad nihil teneatur.*

Quinto; Quia, si Titius mandatum dedisset ad occidendum, & postea revo-

M 3 casset;

casset; quamvis mandatarius homicidium commisisset, non propterea imputaretur Titio, & possessio ac presumptio staret pro reuocatione: Sed etiam supponitur reuocasse Consilium. Ergo homicidium fecutum Titio imputari non potest, & presumptio stat pro reuocatione, quam constat fuisse factam; mandatum enim & Consilium in ordine ad concurrendum ad homicidium, eodem modo se habere videntur. Imò mandatum videtur efficacius influere ac mouere quam Consilium.

## NOTABILE.

**A** Duertendum est; tribus modis posuisse Titium homicidium consilere: Primo solis precibus & auctoritate Cæsarem ad illud inducendo ac mouendo. Secundo: Rationes ad hoc idoneas, sed falsas proponendo: Ut, quod Pompeius eius fratrem occiderit, vel hæreditatem impederit, vel ei mortem machinetur. Tertiò: rationes idoneas proponendo, sed veras; Ut quod eius mors futura sit utilis ad lites terminandas, ad hæreditatem Titii consequendam &c. Si Titius Consilium primo aut secundo modo dedit, illud sufficienter reuocavit, vel similibus precibus contrariis, vel indicando rationes à se illi propositas fuisse falsas; Sic enim cessauit in Cæsare motuum occidendi Pompeium, & censetur à Titio sufficienter sublatum, ita ut homicidium imputandum iam sit soli malitia Cæsaris. At si Consilium dedit tertio modo, quantumcumque illud reuocare conatus sit, nunquam tamen sufficienter reuocavit, quia semper remansit in Cæsare ratio illa, à qua primo motus fuit ad Pompeium oc-

cidendum; Eo modo, quo, si gladium adid commodasset, nunquam sufficienter reuocasset concussum iu homicidium, nisi re ipsa ei gladium abstulisset. Usus enim gladii semper imputatur tradenti. Hoc posito,

## RESOLUTIO I.

**A**D Casum Resp. primo: Titium, si primo aut secundo modo Consilium dedicac reuocauit, ad restituionem non teneri; ita Bonac. d. 1. de contract. qu. 2. p. 4. nu. 3. & reliqui omnes superius citati.

Primo: Quia possessio tunc stat pro reuocatione Consilii; cum hæc sit certa, & communiter iudicetur sufficiens; Vnde homicidium rationabiliter presumi potest ex sola Cæsaris malitia secutum.

Secundo: Quia in Foro externo Consilium sic reuocatum, censeretur fuisse sufficienter reuocatum, nec homicidium imputaretur amplius consulenti; positis enim precibus contrariis, vel indicata fal-sitate rationis ac motivi propositi ad occidendum, Cæsar moueri amplius rationaliter ab illa ratione non potuit ad Pompeium occidendum. Ergo etiam censetur sufficienter reuocatum in Foro Conscientia; idem enim est iudicium utriusque Fori, ut sèpius dictum est.

## RESOLUTIO II.

**R**Esp. 2. Titium, si tertio modo Consilium dedit ac reuocauit; ad restituionem teneri, ita Sanch. d. 41. num. 17. Lessius lib. 2. c. 27. d. 3. Molina tom. 3. disp. 736. num. 6. Salas 1. 2. tr. 8. d. 1. f. 23. num. 242.

Primo:



- <sup>13</sup> Primo: Quia possessio tunc stat pro Consilio, eiusque efficacia; Certum est enim, fuisse datum Consilium, & Consilium ex se fuisse aptum ad homicidium causandum, sed non est certum fuisse sufficienter revocatum. Cum ergo constet de efficacia Consilii, & non constet de sufficientia revocationis, possessio stat pro efficacia Consilii, & consequenter pro obligatione restituendi.
- <sup>14</sup> Secundò: Quia, qui post votum emisum dubitat, an habuerit animum se obligandi, tenetur seruare votum, perinde ac si animum certè habuisset. Ergo etiam qui post datum Consilium ex se aptum ad mouendum ad homicidium, dubitat, an illud sufficienter revocauerit; secuto homicidio tenetur ad damnorum restitutionem, perinde ac si illud certò non revocasset, sed Consilium verè homicidium illud causasset. Ideo enim cum uenens dubitat, an habuerit animum se obligandi, tenetur seruare votum, quia cum nemo presumatur dicere id, quod in corde non habet; Eo ipso, quod constat de promissione, & dubitatur de animo se obligandi, presumptio ac possessio est pro animo se obligandi, cum verba promissionis hoc significant. Sed etiam qui dat Consilium, proponere regulariter solet rationes efficaces ad motuendum. Ergo eo ipso, quod constat de Consilio dato & de homicidio secuto, presumptio ac possessio stat pro eius efficacia in homicidium; Ergo, sicut uouens in dubio animi tenetur seruare votum; ita consuls secuto homicidio in dubio efficaciam sui Consilii tenetur ad restitutionem.
- <sup>15</sup> Tertio: Quia pro eo stat possessio, pro quo stat Iuris presumptio. Vnde, cum non constat de veritate, standum est iuris presumptioni, quia hæc habetur pro veritate, donec oppositum probetur, ut prob. Molin. tom. I. tract. 2. d. 196. & Menoch. lib. I. de præsumpt. qu. 4. num. 3. Sed posito Consilio ad homicidium, & homicidio secuto, & incertitudine de sufficientia revocationis, præsumptio iuris stat pro efficacia Consilii; In Foro enim externo consilium præsumetur suum habuisse effectum, & consulenti incumbet onus probandi, quod homicidium secutum non fuerit effectus sui Consilii; Ergo possessio stat pro efficacia Consilii, & consequenter pro obligatione restituendi.
- Quarto: Quia non minus connaturaliter ad Consilium sequitur ex se efficacia in ordine ad suum effectum, quam ad promissionem, sequatur obligatio. Ergo sicut dum constat de promissione, præsumptio stat pro obligatione; ita dum constat de Consilio, & de homicidio secuto, præsumptio stat pro efficacia Consilii, & consequenter pro obligatione restituendi; qualitas enim, quæ à natura inest, semper inesse presumitur, ut probat Menoch. de præsumpt. lib. I. q. 14. num. 3.
- Quinto: Quia, si Titius gladium Cæsari commodasset ad Pompeium occidendum, nec illum ei deinde re ipsa abstulisset, quamuis sèpius efficaciter tentasset, & Cæsar de facto Pompeium occidisset; Titius in Foro externo præsumeatur ad homicidium illud concurrisse, nisi aliunde constaret, Cæarem non occidisse Pompeium gladio, sed alio instrumento. Sed Titius eiusdem Cæsaris animo impress.

impresit de facto rationem sufficienter, ex se, indicentem ad homicidium; & homicidium secutum est; Ergo per talem rationem, presumetur ad homicidium concurreisse, quandiu non constabit, Cæserem altiunde fuisse motum, ad illud homicidium patrandum.

## OBIECTIONUM SOLUTIO.

- <sup>18</sup> **A**d rationes autem in contrarium; ad primam; Negatur Antecedens; delictum est enim certum, & dubium solum est de qualitate delicti, scilicet de Consilii efficacia; sicut, cum youens dubitat de animo se obligandi, dubium non est de voti emissione, sed solum de eius qualitate; Hæc autem, sicut presumitur in uno, ita presumitur etiam in alio, in ordine ad effectum obligandi.
- <sup>19</sup> Ad secundam Resp. non esse contra æquitatem, obligare ad restitutionem certam, quando constat de causa damni posita & de danno secuto, & est presumption pro efficacia illius causæ; sicut non est contra æquitatem, obligare ad votum seruandum, quando constat de voto, & est presumption de animo se obligandi. In utroque enim casu, causa obligationis est sufficienter certa in Foro externo; Forum autem externum, & internum, quo ad iudicium, idem sunt, ut patet ex dictis.
- <sup>20</sup> Ad tertiam; Negatur minor; Consilii enim efficacia possidet, non eius reuocatio; nam de hac incertum est, an fuerit sufficiens, de illa vero dantur omnes conjecturæ, ac iuris presumptiones, quod effectum fortiter.
- <sup>21</sup> Ad quartam; Negatur minor: Nam de Consilio dato non est dubium, sed
- solum de ejus efficacia in homicidium; Efficacia autem, cum connaturaliter comitari soleat Consilium, sicut animus se obligandi, promissionem; presumitur adfuisse, quandiu non probatur oppositum; Sicut in youente, presumitur adfuisse animus se obligandi, quandiu ipse oppositum non probat; cum praesertim, ad hoc presumendum, sint conjecturæ fortissimæ: Consilium datum, homicidium secutum; & incertitudo de sufficientia revocationis, & presumption semper stet pro insufficientia reuocationis Consilii, cum tertio modo datum est, ac deinde reuocatum; vt dictum est.
- Ad quintam: Est manifesta disparitas; nam Mandans, impossibile est, quod mandatum reuocet, & illud non reuocet sufficienter; Cum enim mandatarius agat solum nomine Mandantis, & in gratiam illius, reuocato mandato, necessariò statim cessat ratio agendi in mandatario. At, qui accepit Consilium, non agit nomine Consulentis, & in gratiam illius, sed nomine proprio, &, vt rebus suis propiciat. Hinc autem fit, vt, reuocato Consilio, non statim cesseret, in eo, qui Consilium accepit, ratio agendi, illi à Consulente impressa, sed requiratur, vt hæc, rationibus omnino contraria, ab ipso auferatur; Quod, cum rationes impressæ fuerint veræ, difficillimum est, eo, quod difficillimum sit, alias rationes illis contrarias æquè efficaces, earumque destructivas innenire.

## COROLLARIA.

- C**olligitur ex dictis primo, quæ dicta sunt, locum habere, ubi non essent validæ conjecturæ, quæ oppositum suaderent,

derent. Si enim Cæsar independenteret à Consilio Titii fuisset inimicus capitalis Pompeji, vel ei mortem minatus esset, vel omnia ad necem necessaria iam præparasset, aut aliae similes coniečturas darentur; in hoc casu præsumptio esset pro sufficientia revocationis, quia coniečturae istæ sufficienter indicarent, homicidium ortum esse, non tam ex Titii Consilio, quam ex Cæsaris odio, ac inimicitia.

- 24.** Secundò: Dubitantem, an Prælati potestas sit legitima, teneri illi obediere, quia esse legitimam, cum sit qualitas, sive circumstantia potestatis, semper præsumitur, quandiu oppositum non probatur.

Similiter, dum coniux dubitat de impedimento dirimenter, posse debitum exigere. Tum quia, an detur impedimentum dirimens, est dubium facti; factum autem in dubio non præsumitur, nisi probetur. Tum quia idem est, dubitare de impedimento dirimenter, ac dubitare de valore matrimonii, in dubio autem valoris præsumptio stat pro valore, cum valor sit circumstantia, vel qualitas ipsius Matrimonii: c. si quis acceperit: 33. quæst. I. Quod si c. inquisitioni de sententia excomm. Coniux dubitans de impedimento dimenti de debito exigere prohibetur. Hoc intelligitur, ante adhibitam debitam diligentiam ad dubium expellendum.

## Q U A E S T I O X V.

*An præceptum de re dubia obliget.*

### C A S U S.

**C**UM Titius ob scientiæ defectum de sua idoneitate ad Confessiones audiendas dubitaret; Prælaus habens alias ab Episcopo facultatem, quemcunque ex suis subditis approbandi, ei in virtute Sanctæ Obedientiæ præcepit, ut Confessiones audiret; Titius tamen, cum aliquot viros doctos consuluisse, & dubium deponere non potuisset, eas audire noluit; Quætitur, vtrum mortaliter peccaverit.

### S V M M A R I V M.

1. *Subditus ad obedientiam tenetur solùne ratione voti.*
  2. *An materia dubia eximat ab obligatione præcepti,*
  3. *Duplex dubium circa materiam præceptam.*
  4. *Actus obligatorius obligat ad minimum, quod potest.*
- R. P. Beati Lib. I.
11. *Dubitans de materie honestate obediere non tenetur.*
  12. *Quomodocumque dubitet.*
  13. *Superioris præceptum rem illicitam reddere non potest licitam.*

N

15 Pra-